

09 MAI
RUGACIUNEA
SF. CUVIOS
SIO DE LA MGVIMSK-GEORGIA

სავედრებელი ლოცვა

ჰოდ ღმრთისა დიდო სათნომყოფელო და
სასწაულთმოქმედო, უნეტარესო მამაო შიო!
ანგელოზთა თანამკვდრო, მოციქულთა მბაძველო და
მოწამეთა მსგავსად მოღუაწეო, სამონაზნოდთა
ცხორებითა მძლავრისა ტყუემყოფელო, მეუდაბნოეთა
წინამძღვარო, მვედრებელთა შენთა
სასწაულეზრებითა ძალითა შემწეო და ბნელთა და
ბოროტთა ძალთა უხილავად მაოტებელო.

ჰოდ უნეტარესო მამაო შიო, ლოცვითა შენითა გვკსნენ
ჩუენ ყოვლისა ბოროტისაგან და სატანისა მახეთაგან,
ჰაერისმცველთაგან და საზუერეთა, ცეცხლისაგან
გეჰენისა. ბოროტთა სულთაგან შეჰყრობილთა
მკურნალო, გვკსნენ ხილულთა და უხილავთა
მტერთაგან, და ყოვლისა ჰირისა და საფრჯისაგან.
ევედრე შენგან შეყუარებულსა უფალსა, რათა ძალითა
უძლეველითა თვსთა ანგელოზთა მიერ განდევნოს
ჩუენგან ყოველი ბოროტი.

ჰოდ საღმრთოდს დიდებისა უწმიდესო ვარსკულავო,
მეოხ-გუეყავ წინაშე ყოვლადწმიდისა სამებისა,
რომლისა წინაშე აწ წარდგომილ ხარ, რადთა გვკსნას
ჩუენ ძმათა შორის ბრძოლისაგან და მოგუმადლოს
უშფოთველი და გონიერი ცხორებად, მიწასა
ნაყოფიერებად, ჰაერი კეთილშეზავებული,
საღმრთოდთა ნათლითა განბრწყინვებად და
მართალთა თანა სავანეყოფად, რამეთუ მას შუენის
დიდებად, მადლობად და თაყუანისცემად საუკუნითგან
და უკუნისამდე. ამინ.

ღირს არს ჭეშმარიტად, რადთა გადიდებდეთ შენ,
ღმრთისმშობელო, რომელი მარადის სანატრელ იქმენ,
ყოვლადუბიწოდ და დედად ღმრთისა ჩუენისა.
უპატიოსნესსა ქერუბიმთასა და აღმატებით
უზესთაესსა სერაფიმთასა, განუხრწნელად მშობელსა
სიტყუსა ღმრთისასა, მხოლოსა ღმრთისმშობელსა
გალობით გადიდებდეთ.

დიდებად მამასა და ძესა და წმიდასა სულსა, აწ და
მარადის და უკუნითი უკუნისამდე. ამინ.